

○歷朝憲章類誌卷之十一

潘輝注著

△人物誌

●德業之儒

陳時一人
光烈社時四人
黎初十八人
黎中興後十四人

朱安清潭人

今青池縣
黎初十八人
黎中興後十四人

性剛介。清修苦節。不求利達。居家讀書。學業精醇。所居號文村。築書室。

於潭上大阜以授徒。遠近聞其名。就學甚衆。及門成達者多。往往有登政府者。明宗以道學徵拜國子監司業。授太子經。德業楷模一時推重。裕宗逸豫怠政。羣臣多不法。先生諫不聽。乃上疏請斬佞臣七人。皆權幸者。時人謂七斬疏。疏入不報。乃掛冠歸田里。愛至靈山往居之。自號樵隱。大朝會則赴闕。裕宗委以政事。辭不拜。憲慈太皇太后曰。清修之士。天子不得而臣。安能以政事委之耶。帝遣內臣齎衣服賜之。拜謝訖。輒以與人。天下高其風。裕宗崩。國統將絕。聞羣臣迎立藝宗。乃大喜。杖策上謁。旋乞還鄉。辭不受封拜。帝甚尊禮。命官送還。未幾壽終于家。先生師道隆重。而體貌剛嚴。范師孟、黎伯适已爲行遺。亦各執弟子禮。時來問候。拜床下。得與片談。甚喜。有不善者。切責之。至叱呵不納。其嚴毅可畏如此。德望之高。公卿皆所向慕。拜司業。時陳冰壺公有賀詩云。學海回瀾俗再醇。上庠山斗得斯人。窮經博史工夫大。敬老崇儒政化新。布韞芒鞋歸漢日。蒼頭白髮浴沂春。勛華只是垂衣治。爭得巢由作內臣。所居鳳凰山。泉石清秀。閒時輒散步松徑。吟詠自適。有樵隱集行世。卒後。藝宗命官諭祭。賜謚文貞。尋命從祀文廟。

按文貞公學業之粹。節操之高。當時所推尊。後世所景仰。求之我越儒宗古後一人。誠非諸公所

卷十一 人物誌

德業之儒
黎初

七八

可得而擬者。但不當獨列爲道學一目。今特載諸名儒之首。而求之後人間有操尙之特立。文學之見推。或顯或晦。而俱策名于世者。備列于後。總稱爲德業儒云。

李子晉 名縉字以行。上福朝東人。中胡季犖聖元庚辰科太學生。學問該洽。時所推重。黎初謁行在。太祖嘉其宿學。命掌文誥。歷仕太宗仁宗朝官翰林院學士。優游散地。爲世耆儒。常有謾興吟云。沿泝濂溪訪考亭。討論石鼓訂盤銘。膏腴矻矻勞韓思。詩禮循循向鯉庭。技愧屠龍無所用。巧邀織女有何靈。從來醫卜皆名世。何必區區究六經。蓋感懷之作。也有拙庵集。

李子構 號下齋。洪州人。閩胡時除太子右諭德。固辭。以選士人授官不就。黎初求賢。阮夢筭薦之。辭不出。清風高節。一時推重。優閒山溪間。吟詠自樂。詩豪邁清逸。武夢原爲處士。時常與往來唱酬。有寄武先生詩云。今年茆屋新江臯。江間月色明。免毫濁膠旁。舍頗醇釀風。景獨殺無詩騷。平生我亦金門客。馳騁文場曾執馘。十年湖海髀肉生。同陣存亡各南北。先生自是先鳴人。收歛兵甲歸。勑耘胸藏萬卷。一老將。筆下風雨今應神。憶昔風雲同躡履。我亦相君雙壽耳。至今君亦驗前言。未暇盍簪談往事。晚年秋月難放過。故人契闊如月何。可堪元亮時不飲。而况子美方無家。聞君故里。枌榆好戎馬。猶存秌與稻。幸君今日營菟裘。會作明年我東道。我今虛艇隨淺波。舉世局促吾委陀。不辭相就飲一斗。爲君臥作蛟龍河。夢原最稱羨之。又與程師孟慈廉人爲山水友。逍遙遊覽。襟懷洒落。爲黎初隱逸高士。

武夢原 號薇溪。仙遊東山人。中胡季犖庚辰科太學生。胡亂隱居不出。黎初以遺逸徵爲國子監司業。文學名望。衆所推服。當時稱爲明府。歷授祭酒。年七十四致仕。時初賜優老東門之會。車馬

祖餞縉紳以爲豔談。阮夢筭詩云：官成功遂世間稀，復見東門祖帳歸。雪縷匙翻天德膽，春風盤薦爛柯薇。既歸自號爛柯翁，優遊終老儒林羨之。

程清字直卿，原姓黃。彰德良舍人，屋青威中青威社。年十九登順天四年宏詞科，文學操履爲上簡知。初充御前學生，紹平甲寅陞爲局長。太和癸亥官內密院正掌，充謝封副使。丁卯春陞翰林侍讀知御前學生局。延寧己卯再充歲貢副使，解余珠事。光順壬午夏擢門下省右司郎中參知海西道軍民簿籍。時因天變求言，清疏陳七事：一曰順陰陽以召和氣；二曰親經史以崇正學；三曰定儲嗣以固國本；四曰節財用以需經費；五曰重守職以寄民牧；六曰時訓練以嚴武備；七曰置屯田以實邊儲。並蒙采納。癸未春卒，號竹溪先生。性清介醇直，歟歟歷三紀。士夫咸推崇之。洪州梁如鵠贊其遺像云：少結知於太祖，長信任於太宗。體具而用周，子孝而臣忠。四朝歷事一節，始終書澤裕後。子孫曾繼登科宦，爲應天望族云。孫黃璣，登萬帝統元丙戌進士。官至御史。曾孫諭，登莫大正壬辰科黃甲。仕至吏部左侍郎致仕。族克明亦登洪德十五年進士。仕至禮部尚書致仕。子義富，登洪順辛未狀元。仕至都御史。孫濟美，登莫大正戊戌科進士。仕至承政使。

阮伯驥 彰德勛內人。登仁宗太和六年戊辰科黃甲。初官翰林知制誥，歷進直學士。壬申冬奉副使如明賀立儲使回，歷加中書省左司入侍經筵，兼管近侍祇候各局上騎都尉。聖宗立以文學見親，光順初奉命與阮直同撰楊陵碑。又奉按定廟諱御名，尋加國子監祭酒，兼文明殿大學士。省閣趨翔，邇蒙獎重。賜號雲峯先生。常以帝爲文，頗略經史。上疏爭之，帝降旨慰諭。乙酉冬卒，上遣司禮官賞敕諭祭。有云：爾事上也忠，持身也正。旦夕左右于茲六年，氣幾絕時，忠尚未已。其見憫惜如此。弟伯驥亦登光順同進士。外孫陳棐，登端慶探花。後仕莫大正兵部尚書，累陞少傅，參預朝政。封萊郡公致仕。年七十六。

卷十一 人物誌

德業之儒

家初

卅九

卷十一 人物誌

德業之儒

黎初

四十

阮仁浹 武江金堆人。先世積陰德。有還北人遺金者。北客分半與之。牢辭不受。其人爲擇世出名儒吉地報之。仁浹生而聰警好學。年十五歲與兄仁被同舉光順丙戌科同進士。洪德丁亥試宏詞。由知縣預中。命直秘書監讀書。景統初官東閣學士兼國子監祭酒。文章爲時所推。憲宗深加簡注。嘗賜之詩曰。一代文章揭大年。名高內相玉堂仙。丹心每與宸衷合。清被多攜粉署眠。荷橐恩深榮宋帶鳳池賦就駕。唐錢爲吾涵養成元氣。佇看英才泰彙連累遷。至吏部尚書五兄弟同時登仕。兄仲慤仁被弟仁澤仁操並登科甲同朝。子姪繼擢魁科。子敬勉姪義演順皆登第三十年中一姓九進士。書澤之盛尤爲古今希罕云。

武 聚 唐安獲澤人。登洪德癸丑科黃甲。性廉直。居官清儉。未嘗妄取于人。時頗事賂遺。帝用唐太宗故事。使人餽絹試之。他官往往私受。公獨拒之。餽絹人固請曰。今習尚如此。寢以成風。日這係菲物。不受恐爲傷廉。公作色曰。世人皆濁我獨清。豈以爾甘言易其操驅而出之事聞。帝嘉其有暮夜辭金之意。命特賜廉節二字。入朝帖于衣領以旌異之。仕至刑部左侍郎。家無儋石之儲。而怡然自適。門風清白。時人所欵慕云。

鄧鳴謙 山圍瑁浦人。陳末武將鄧悉之後。父貽登仁宗太和癸酉科黃甲。官歷參政。鳴謙學問博雅。慷慨有大節。登洪德十八年丁未科二甲進士。景統辛酉官翰林院侍書。奉使如明。已巳再北使。遷吏部左侍郎。再陞禮部尚書兼史館副總裁。知昭文局。光紹中奉修大越史記。時值多故。鳴謙正色立朝。有毅然不奪之節。自號脫軒先生。持己以直。無所倚附。知時事不可爲。惟托書史吟詠以自遣。詞章清裕。世所傳誦。文學節操爲黎初名儒。史稱其無愧科名。論者以爲悉容有後云。

武瓊字守璞號篤齋唐安慕澤人。登洪德九年戊辰科進士擢居臺諫不避權要蒞政東海恩信素聞平生博學好古爲世宗師嘗兼史館總裁撰大越通鑑仕至兵部尙書黎光賁追詠詩云堂堂聖世一鴻儒仕止隨時任自由天上癯仙開骨相人間活佛見心頭嘉言善行諸賢冠大冊雄文萬古留斯道巍巍山岳在後人無不企前修傳奇錄言唐安之武是也子幹生而穎悟博極羣書登景統二年庚辰科正進士仕至禮部尙書掌翰林院文章德行當世推崇家素清貧怡然自適遇物興吟揮毫立就所著有松軒諸集見文籍誌光賁詠詩云早擢危科副上求文章德業作師模半載上扶興運三十年餘歷要途鼈冕躬圭聯好爵青燈黃卷舊寒儒清貧誰識爲家計恁地詩書有道腹

阮秉謙字亨甫永賴中庵人生而容貌英偉周歲能言年四歲母氏誨以經傳正義卽能口誦爛熟少時肄學家庭旣長受業于榜眼梁先生名得明會潮人初先生使明得太乙神經仍以授公公造詣玄理得其真詮先生囑其子有慶於公公撫之如子教以成名見賢輔誌光紹統元間鄭綏莫登庸皆有挾天子以令諸侯之志頻年構兵境內紛擾公有感吟詩云太和宇宙不虞周互戰交爭笑兩讎川血山骸隨處有淵魚叢雀爲誰驅重興已卜渡江馬後患須防入室龜世事到頭休說著醉吟澤畔任閒遊蓋知黎氏復興入室龜其隱語也莫氏得國四方漸平親朋皆勸之仕公推占太乙知黎氏再興當在數十年後四十四始就鄉試領首薦大正六年乙未春赴省試四場並第一庭對擢狀元及第累遷吏部左侍郎兼東閣大學士在朝八年疏劾弄臣十八人請悉誅之其志欲萬物各得其所微而蒙瞽亦授以歌卜業時婿子范瑤挾勢縱橫公遂因托病致事旣歸田里起白雲庵自號居士

卷十一 人物誌

德業之儒 番初

四二

起迎春長津二橋歲時遊憩築中津館於雪江之津撰碑文以記其寔又修葺佛寺携老僧同遊時或扁舟泛塗海觀魚安山臥雲敬主塗山諸名山扶杖登臨適意嘯詠或往來徜徉終日每遇樹木青幽時鳥變聲輒欣然自得公雖在家莫事以師禮國有大政事仍遣使就訪時或徵至京詢以大計尋復還庵頤志竟不可留累陞吏部尙書太傅程國公莫延成間遣使慰問且詢以國事公曰他日有故高平雖小可延數世福後七年莫亡退保高平乾統隆泰順德永昌歷數世垂七十年賴以維持其言神驗如此壽九十五卒學者追尊爲雪江夫子公博極羣書深明易理雨暘禍福無不前知黎朝中宗崩無嗣鄭世祖持疑謀諸馮克寬不能決仍使齋禮來訪公弗答顧家童曰今歲不稔爾等秧田當用舊種卽命駕遊寺使僧童洒掃焚香餘無所及蓋微示奉佛喫綻底意寬具馳告世祖遂迎立英宗社稷賴以奠安端公以昭勳公二子頗懷疑懼母范氏使人請問公適閒步後園園有假山嵌巖疊山橫繞軒前會有羣蟻緣石而行公徐曰蟻而笑曰橫山一帶可以容身使者悟其意歸具以告端公以計求鎮順廣遂爲王業基本其神妙淵奧不能盡述當時及門之士成達者衆惟馮克寬梁有慶阮嶼張時舉最著克寬假館遊學旣卒業公叩門訪曰鷄旣鳴矣何不早起寬默會其意潛入清華與有慶遂爲中興名臣詳贊
韓誌嶼所著傳奇錄公多爲斧正遂爲大家奇筆公胸懷洒落天資極高而充養醇粹渾然不露圭角優閒四十餘年其心未嘗一日忘世憂時閔俗一發於詩文章出於自然矢口輒成不事雕琢簡而暢淡而味皆有關於世教所著詩賦及國語詩作甚多今有白雲庵集行世觀其大略霽月光風千古猶可想見公常有句云高潔誰爲天下士安閒我是地中仙蓋言其志也永祐間鄉人追思卽故宅立祠同總春秋奉祀溫亭武公撰祠堂記有曰生於

莫地而試仕。欲公山往之心知其不可而亟歸。從赤松遊之。智大清使周粲然亦稱曰。嶺南人物理學有程泉。其爲南北景慕有如此云。

陳文寶 膜水古渚人。年二十七登莫福源景歷庚戌科一甲進士第一名改名文宜。往北使。茂治延成初官尚書義山伯辛巳陞吏部尚書入侍經筵。以莫政日紊辭不就職。上疏言天人交感之際各以類應。人事得則休徵應。人事失則咎徵應。人之政事傷道失理者難以枚舉。廷臣章疏所陳直指闕失。今雖降恩旨假辭顏而未廣從諫之量。如見上言則曰其言可采可行而未見采之行之寔。至如某事累經論應酌從而未從。未審果出自上意抑聰明有所蔽有所惑歟。凡此最乖爲政之體。所以朝廷之上體統日紊。公論日沮。國無善政。天示之警。彗見山崩。日蝕月蝕。諸異交作。見今恆風恆雨之罰在京師當之。其爲變大矣。昔景公一善言而星爲退。舍鄭國有令政而無有後災。是皆以人勝天以德消變之驗。今日足爲明鑒。願克謹天戒。聿修厥德。申敕輔政應王。勉自修省。明夾保輔以安王室爲念。臥薪嘗胆以殄國讎爲任。尤必責任大臣。信用忠諫。靡弊不革。靡事不舉。人事已盡。大變可回。天下國家日躋于治。否則危亡之期未可保也。臣不職自効。當免且詣闕待罪。貶黜惟命。茂治慰勉就任。次年春。茂治初構草殿。欲以講學名之。以爲安閒之所。甫成而火。公上言。惟吉凶不僭在人。惟天降災祥在德。方御新殿之初。布政教之始。而乃玩燕逸。忽防微以致此變。正惟人所召耳。人無釁焉。災不妄作。明戒如此。恐懼憂勤之日。願克謹天戒。反思王道。勿以臣言爲迂闊。至繕復京城。經畫矩度。預卜定所。宅中時。又乃中興第一機會。願陛下剛斷於上。暨文武臣僚輯睦於下。相與謀之。營之成之。以植中天之業。茂治稱其切當。及四部使臣歸闕。乞辭職以讓之。不許。歷陞侯爵。年六十三卒。

卷十一 人物誌

德業之儒 聞真

卷十一 人物誌

雜著之儒

閨真

四四

范鎮嘉福藍橋人與段松杜汪里閈相隣少同學。汪嘗見妖精云：鎮中狀元汪榜眼心甚恨之。劬力文藝思欲爭榜莫光寶丙辰庭試。汪全題慣熟自謂首選時鎮在籠中彷彿若有神在旁。一稱韓琦一稱東方朔附耳讀之滔滔不歇。汪忽得腹痛不能下筆。鎮寫了。汪病方愈力弗足文思不免頓減。既而臚唱鎮果狀元。汪榜眼。鎮語人曰：吾今日壓倒杜汪矣。汪甚恨之。榮旋日聯轡而行並驅爭先道經明倫時有人新建屋宇當途請惠佳句。鎮應聲曰：年年增富貴。日日壽榮華。古人有此語。今日賀新家。汪沉吟曰：贊美之辭此等句盡之。然古語夙成。吾何讓焉。及至假林溪橋卽景命題。限一句用一禽過橋詩成者讓先。鎮馬上立占。汪遂嘆服。自此始讓先行。鎮性沉靜不爭堅定自守。而汪每好勝後亦不覺屈服。嘗相對飲戲作酒贊。汪曰：有黃用黃無黃用火。有用咸宜無施不可。鎮曰：有黃則飲火酒則絕有違此言。天地日月識者以是知其立志之殊。後莫亡。汪效順仕歷尙書郡公爵鎮官至承政使。莫亡隱居不仕以壽終于家云。

阮豐至靈傑特人生而天資穎悟。七歲能文。其父試令作祭金堆后土文。有云：坤輿博厚。兌氣鎮靈。包含莫狀。浩蕩難名。求之必應。感之斯成。年十四鄉試一舉與父同科入宴立而不坐。試院官問之。對曰：忝名在父先。不敢居。乃爲之易次。常作愛山詩云：吾何愛愛。惟山不遠。煙霞遠世間。舉目有天雲五色。擡頭滿地草花閒。梅嘲曉雪知春暖。柏立冬風識歲寒。雷雨不迷墳海志。葉舟寧待泛長瀾。年二十六登莫淳福戊辰科進士。仕至吏部左侍郎。福池伯莫亡隱於懸燈山。黎中興累徵之。不得已應命。仕至尙書泉郡公。後以年老乞歸。閒後園鑿湖。湖中築島。雜栽草木。建庵賞玩。有寓興詩云：一壺山水一茅庵。草木魚龍一二三。天下有天春不老。窗前尙記講河南。優遊竹石間。吟詠自適。壽八十三卒。

阮文沵 東山玉杯人。登中宗順平六年制科一甲。性端謹有矩度。爲諒國公信重。初官翰林院校理丙辰英宗入繼統。諒公以公學行純正。令入侍讀。敷陳義理。帝甚尊之。經筵啓沃。裨益弘多。天佑丁巳春。進戶科給事。兼理財政。嘉泰改兵部左侍郎。正管總記錄。光興庚辰。遷吏部左侍郎。入侍經筵。兼東閣大學士。時世宗方在冲年。公左右講學。薰陶涵養。卒爲中興賢君者。造就之功爲多焉。卒贈工部尙書。加太保。公以名儒首舉。受知三朝。德業聞望。爲中興初儒臣之冠。後歲旱。祈禱得雨。封福神。子阮啓官武階爵登郡公累陞左都督封協謀揚武功臣尋授兵部尚書進太保德隆中加太傅與阮寔並以國老參預朝政。

阮 登

桂陽大蒜人。學問淵博。於律詩八韻賦尤長。每所撰。人輒誦爲式。至有捐貨購求之者。

秋試解元年二十六。登弘定壬辰科會元。四場並優分一庭。對賜黃甲庭元。應制賞一公文章拔出倫輩。朝廷推重之。累蒙顯擢。癸丑與劉仁嶺質廷。阮唐川改奉往北使。途中吟詠。及賡答北人。朝鮮使諸作類多佳句。過飛來寺。作八韻賦。人爭誦之。其略曰。殆見祇園宏廠。淨地豁開。寂滅之江橫過峽。須瀾之峯峙懸崖。完不鳩而集之功。宛爾黃金宮殿。矯如翬斯飛之狀。依然碧玉樓臺。天則有一壺。世界。地渾無半點塵埃。內則蓮坐輝煌。檀香馥郁。貝葉宣寶藏真經。慈燈照昏衢巨燭。供餘偈罷。閒門憑童子。晝開茶歇鐘。殘靜院任老僧獨宿。四序開般若之花。千古長真如之竹。外則扁開甲乙碑。列高低。送客之花容莞笑。迎春之山鳥喧啼。碧澗涵噴水之龍。舊汚盡滌蒼松引避烟之鶴。老幹常棲斯飛來之景致。真名勝之標題。余今香火諧緣。皇華預選。九重欣鳳詔。口銜萬里快鴻達翼。展觀光上國。寧辭驛路之遙馳。旅幣中庭密接龍顏之近見。今則按轡臨清院。玩景上飛來。何異入天台。劉阮使回論功。陞戶部右侍郎。福岩侯尋卒。爲漠沱社福神。

阮明哲。至靈藥山人。莫進士阮明善之孫。少與獲澤神童齊名。文學優長。思繼前業。而苦於運暮。夢神告曰。到老未成身。公忿然曰。我爲試用力。神如我。何。黎德隆辛未探花。會庭應制皆第一。時公爲安老尹。年已五十四矣。永壽朝冊封王府宰臣。以公耆淵重望。推奉金冊。年八十餘。以兵部尙書錦郡公致仕。精神壯健不衰。每元旦延壽大禮必造朝。壽九十六卒。公能文博學。爲時所推。而晚歲登魁。進膺耆壽。亦世所曠見。云贈戶部尙書謚文斗。

武公道。唐安慕澤人。少時以雋爽稱。學問該治。永壽戊戌值鄉試科適丁憂。偶因他往。欠點心。中憂悶。夜夢到無礙寺。聞有聲喚。進士何之。公見閻老子。曰。這裡甚官人在此。閻老子曰。正中黃袍玉皇座。左右衣赤青衣。南曹北斗是也。公入庭謁問。俄聞曰。今歲登科。公暗思衰經未除。且欠點。該住試。何能望此。己亥科春圍以事展用冬試。時昭祖旨頒諸欠點代試。係是優於文學。應一切赦之。以收人才。公以是免。是科果登進士第。立朝言論磊砢。嘗有諫鬪鷄文。奉命北使回陞都御史。因抗議武惟斷與內臣事。不允。以頭擊柱。凜然有形庭折檻之風。時以爲真御史。罷歸。未幾復召用。仕至戶部尙書。壽八十六。性純質剛正。初爲山南督。同時有携艷姬來賣寵。拒之甚嚴。嘗曰。我雖不逮先輩。而未嘗犯好色之戒。亦人所難也。其平生教授多得英才。東鄂榜眼范光宅。丹輪探花武晟。楊柳會元阮名譽。皆出其門云。

武惟斷。慕澤人。進士拔萃之子。少時蒙暗。讀書終日。不記一行。年十七將改業。夢神人爲之剖心。刮去其濁。醒後腹中隱隱覺痛。自是日漸開明。學業大進。以文章名世。鄉試解元。景治甲辰科會元。初弘祖陽王潛邸時。公密陪帷帳。及登政府。公登第。待以不次。超至工部尙書。性剛忠慷慨。遇事

敢言常慕九齡之爲人。上金鑑錄大要勸以正心敦俗知人去讒語甚切。至王嘉納焉以直臣許之。陽德間伴接北使途間賡和自珥江至殿門詩四十餘首應答如響使人甚敬重之後差高平北幹府僚咸在都臺武公道曰此命若行三都不敢秉筆王怒道知上意不回以頭擊柱公勃然曰上殺諫臣請卽納還敕命黃門以聞王卽令罷歸追收敕命其科字一道公不肯納奉差官索之公曰諸敕皆上所賜謹當奉還科字乃我才學做成不敢併納奉差亦不能屈旣罷歸優遊桑梓無意當世嘗有范蠡遊五湖賦及澤鄉風景農桑考績異聞記等作並用國音人多傳誦世稱中興以前詠橋侯中興以後唐川子蓋言文體得之清高者扶董鄧狀元亦云胸中學識吞天祿而吸石渠亦樂其學博也公又嘗自作祭文有曰致君其堯舜唐虞自任以臯夔稷契素蘊胸中平治欲大施展至玄機裡盈虛最難宣泄其慷慨之志至老不衰如此壽六十四。

阮廷柱 號砥堂青池月盈人年三十登神宗盛德丙辰科會元進士應制第一歷官吏科給事中正和甲戌廷議以銓曹送叙泛濫公職當審駁不能糾舉貶翰林院校討時年七十奉賜男爵致仕公久在貶謫居閒教授誘掖後進多所成立門生以千數登甲第者七十餘人儒林矩範號稱宗師年七十七卒。

武 昆 唐安丹輪人解元年二十二登正和六年乙丑科探花庭元文學爲世所宗歷官僉都御史陪從嘗在內贊節制府内外諸事公以內宮請托詞訟爲言節制府以言於王王命詰其人欲警治公不明對王大怒下廷議以爲謗訕罷其職尋再召用至寺卿公學問該洽爲文尙雅暢力欲

卷十一 人物誌

德業之儒

藝中興

四八

矯正時習。自中興以來。學者循習章句文章。日益卑鄙。公所著專務釐革。更樸拙爲通暢。易陳腐爲清新。當時翕然趨向。文體由此稍變。家居授徒講學。及門者殆以千數。淵源所漸。成就甚衆。登科甲者七十餘人。其後多爲名臣儒師之譽。與月益公並稱云。卒贈參政。

裴仕暹 東關涇縷人。少以才雋稱。常在長安遊學。文辭華贍。卓冠一時。監課月評。每在優第。京師爲之語曰。東關涇縷。當今獨步。年二十六一舉登裕宗永盛十一年乙未科二甲進士庭元性慷慨鯁直。永慶中官太常寺卿。時有旨。諸臣敷陳體要以備親擇。公啓陳十條。首言禪讓事辭甚切。至大略云。近者禪讓之事。雖亦循襲舊規。然不知其果出於勤倦而真於付托耶。竊聞先帝在御時。忿鬱之辭。不平之語。其發於言語文字之間。天下耳目豈容終掩。故自己酉初夏以來。天災屢現。地變頻仍。川竭河乾。霖恆水大。蓋天地宗廟之靈。特昭示夫澤竭之徵。常陰之罰。以見澤之不可以不行。衍皇之不可以不極也。顧念封植之前動。繼尊扶之先志。事在必行。無疑乎。羣小持疑之說。義須勇決。無膠於三年無改之文。行達權之大事。正不易之常經。遏欲潰之頽波。挽將傾之紅日。所謂懋匡扶以消變異者也。餘九條多忤執政意。權要多不悅。疏入。順王大怒。命奪其職逐之。尋卒于家。公以直言諫歸田。風操凜然。天下皆敬仰之。景興初。遣復舊職。贈參政。賜爵忠節侯。給田爲祀。

武公鎮 青威敦書人。少以文章名世。遊泮中士。望年四十。登裕宗保泰甲辰科同進士。戊申官校討署清華監察預中東閣賞三是科試題唐律用鱗潛羽翔包爲韻。五言律用天高星辰遠二十五韻。歌用大有年制用諭德教舉遺士。賞一員陪從范謙益。賞三員公與金樓阮公。龍德中官祭酒知工番執法不阿。以勘訟忤旨。順王令罷職。永佑庚申恩王攬政復召用。公忠鯁剛正爲權倖所惡。雖蒙罷斥。然名以此益高。毅祖深加器重。景興己巳置左右法司。命公爲之諭云。法司耳目之

仁古者置左右執法。所以藉風棱而張憲具。我宵旰孜孜修攘。在念深惟政事本原。係在朝廷法紀。茲擇用直臣。欲藉糾持之力。卿職司彈劾。天植剛方。應爲左右法司。凡國家大政。聽同兩班集議。如見低昂輕重。未適其平。許得持議確商。卽具疏上請。當恪勵風裁。勉彈操履。慎乃所職。付我夙期。其見倚毗如此。歷官兵部左侍郎侯爵致仕。起復故事。士夫以擢大科登東閣及致仕錦旋。皆厚蒙恩典。謂之三榮。自中興以來。二百年間。能兼此者。前後惟二人。永治進士阮登龍公。鎮後繼其迹。時人美之。卒贈尚書部郡公。閒住時樂於教育。士子從遊最多。成名亦甚衆云。

見倚毗如此歷官兵部左侍郎侯爵致仕起復故事士夫以擢大科登東閣及致仕錦旋皆厚蒙恩典謂之三榮自中興以來二百年間能兼此者前後惟二人

永治進士阮登龍
永盛進士阮公案

贈尚書部郡公閒住時樂於教育士子從遊最多成名亦甚衆云

黎貴惇。字允厚。延河人。進士黎富庶之子。未生時。親禱於金榜之光。承寺夢碧峯靈神降誕。迨分娩時。門外見若有道服官人。車馬擁簇。過者移時而公生。二歲識之無二字。有試不差。五歲學詩經誦。輒十行。疑無再問。十二歲盡通經傳諸史。旁及諸子百家。無不通貫。爲文博雅淵源。揮毫立就。十六歲一舉解元。二十九登景興十三年壬申科進士第二名。自鄉舉至庭試。皆第一。以魁元登仕名滿朝野。庚辰歲貢由翰林院侍讀。奉充副使。賜爵額成伯。文章應答。爲中州士夫及朝鮮陪臣所推重。使回陞翰林承旨。仍爵朝保海陽督同公上疏乞歸田里。略云。以萬里生還之身。妻亡子幼。而飄零江湖。臣誠不樂爲官。乞賜放歸田里。明王不悅許之。丁亥靖王親政。以醴澤侯阮伯璘言。特準起用。還初受職。遂密蒙知遇。己丑命爲平寧道贊理。叶與督領潘派侯進討逆。庚辰論平定功。陞戶部右侍郎兼僉都御史。是秋命勘閱清華戶口事訖還。公啓請寬赦各縣土產諸稅。及庸錢逋欠。王付廷議行之。尋陞吏部右侍郎。啓陳治道四條。一曰正士途。二曰正職任。三曰正國課。四曰正民額。疏入。王深加獎納。癸巳大旱。因啓陳五條。大略言古人君召和弭變之道。在於祈神以禮。寬民以德。

卷十一 人物誌

德業之儒

藝中興

五十

王從之命入侍陪從掌督民政加管右雄奇穎成侯丙申冬奉準頒參視順廣道兼協鎮撫未幾召還仍遷戶侍行都御史戊戌春改授武職左校點權府事義派侯時年五十三壬寅端王卽政爲嬖臣所讒以事貶降癸卯冬出協父安鎮尋卒壽五十八追準回班都御史贈工部尙書後昭統帝親政加贈潁郡公公資性卓異聰明過人而持守醇篤好學不倦旣登魁履顯猶嘗手不釋書平生著述甚多詳見文
籍誌其論經史者淵源淹貫述典故者該括詳明卓然以所長名世所爲詩文號桂堂集

段惟靖 瓊瑰海晏人年三十五登景興十三年壬申科二甲進士後避靖王號改名阮倅性耿介剛直風稜慷慨旣登朝以氣節自持戊子年官東閣校書行僉都御史時進士楊仲謙負累在家

以密告王子鄭棣與進士范輝基反謀功得復擢用陞次公惡其險躁上啓劾之略曰窃念謀逆大惡也告逆大忠也今輝基與鄭棣潛謀告者以其事聞使罪人黜服寔惟國家洪福第仲謙久被閒散苟能閉門思過勿通賓客不善之謀何自而至卽有以是謀來告而能正道直辭拒之於早安知僭擬之萌不以其言而止茲若輝基纏綾之人也乃與之關通鄭棣危疑之地也乃與之出入投身入夥相與遲回濟輝基之謀長鄭棣之惡然後發覺以爲已功律以誅心涉於同惡圖目前之富貴而滋蔓惡黨以博一官其用心亦險矣奉見聖上友愛天性之至平日所以處天顯者無不盡其道顧仲謙以一身一家之計使鄭棣負僭逆之辜而聖上不能無耿耿於處置人倫之際功過乘除豈得受賞如以訴奸不賞恐杜忠言之路則賜金帛可也乃以等級賞之竊恐僥倖之徒從風而靡殆非所以示勸臣職居言責不敢媢嫉爲嫌爲此冒陳不勝惶恐言入靖王嘉之賞銀三笏尋丁憂去職兩起爲僉都皆固辭會朝廷進討贊賊于清州遂上章請以金革報國王大喜嘆異起爲興清西

宣諸道監軍。時統將阮訓猶豫不進。公抗疏劾其懦怯。啓言十事。王命卽軍中拜爲三道統領。頒金劍以重其權。公慷慨臨戎。令諸將曰。不用命者視此劍。三軍股慄。遂望清州進發。與賊交戰。大破之。追抵其城。毀樓櫓。平溝壘。赦脅從。縱囚徒招流亡。定約束。安集州民。凱旋日。卽疏辭兵事。仍乞回家。終制。次年討賊。擢于鎮寧。復命監軍。累以功陞僉都御史。辛卯歲貢于清。奉差正使回陞副都御史。瓊州伯。甲午南征。準頒又安處督視行按。鎮事兼理糧餉。與侍臣詔郡議不合。卽復抗疏乞歸田里。逾年卒。壽五十八。公學問該洽。風氣挺特。經文緯武。無適不宜。平興之日。以儒將奏功。天下偉之。進退必以義。不枉道求售。其剛直之操。尤爲世所欵仰。云後贈都御史。賜謚耿直。

阮輝謹 嘉林富市人。尙書阮輝潤之孫。學士輝胤之子。少以文章名。世學問淵博。累舉宏詞。年三十二登景興二十一年庚辰科會元。庭對詳贍。宜及第。以失格。賜同進士。登朝不樂仕進。因辭歸。獨居一室。以經史自適。少與物接。每靜坐讀書。忽起而循簷吟嘯。若有所得。學士公錦旋後。問視之。暇父子相與講談唱和。家庭有自然樂趣。當世高其名節。累奉徵召。俱不就。常以理數推測事。能前知。景興末。公有句云。蛟龍得勢。荊州雲帝胄之池。鵝鴨驚聲。蔡城雨唐宗之壑。其後嗣皇昭統帝以清兵破西復國。而更以驕縱致敗。與此符合。其高見類此。年六十二壽終。

潘輝瑾 號慎齋。天祿收穫人。先祖考以武弁致身。世有厚德。公生而俊異。迥出倫輩。自幼怙恃雙背。外祖母楊氏育之。從事學問。性警敏。讀書數行。俱下不煩思。繹纂索一經。眼便數年不忘。常遊學西南。間年甫成童。文辭已爲膾炙。稍長就正于杜採花。汝尙書獲澤人。諸名門。術業大進。二十六應鄉試解元。年三十三。登景興十五年甲戌科會元。庭試賜同進士。後避太子諱。改名輝益。旣登朝守

卷十一 人物誌

總業之續 當中興

五二

正自持。不肯媚權要。初爲海陽憲察。及京北海陽參閱。繼入番僚。時幸臣杜世佳爲恩王親用。縉紳皆趨附阿媚。公獨不屈謁。坐此被誣謗罷。住八年閒居。開筵授徒。作成後進。雖家用屢空。而處之恬然。與諸生講習。未嘗以得失自累。親故有以窮慰者。公答云。但把此心嘗蕩蕩。窮通寧必問。黔贏其襟懷洒落如此。靖王親政。以醴澤侯阮伯璣言。始復召用。丙申淮洞海督同。丁酉討山賊。有功。奉賞銀牌。辛丑頒順化督視。尋召回朝。歷仕入侍陪從。工部右侍郎署兵侍兼國子監講官。丙午年六十五致仕。陞工部左侍郎。奎峯伯全朝錢叙略曰。公以甲戌榜登朝。始試政於東臬。嗣登番僚。參西城行京北鎮務。督海陽安廣屯。洞海守興化鎮高平。踐歷臺部。趨陪廊廟。其經緯之略。無劇易皆辨。其在京北也。大清冊使進京。餞送勤。動公代鎮臣派撥五驛。公事濟而民不擾。洞海屯爲順廣襟喉。公就軍適。土民相煽。爲賊來襲。市財徧滿山野。屯無堅壘。兵僅二百人。守將莫知所爲。公奮然親自出陣。爲士卒倡設伏誘。敗之。督將至分道進攻。賊悉降。揀土兵峙需伏。飭守備屯。迄今保固。而南陲底安。越我王上端南王攬政之初。凡百處爲動。關囂帖公奉旨。均給諸軍錢糧。人無間言。尋奉晉陪法從論思贊。畫積有勞。助此皆宦業之可書者。公仕路中。躋閑靜自守。雖已之而無愠。晚蒙眷注。二子繼登顯仕。每思謙挹辭政。再四纔及年格。抗疏歸田。蓋學養有素。能處窮達而灼夫進退之義。宜乎有以見於世也。謝事後。適值內變。昭統帝親政起復。進平章事。入侍經筵。兼入侍參從。歷遷刑兵禮三部左侍郎。兼國史總裁。公懇求退避。以衰老乞解職。乃歸休于義邑安山之瑞奎社。其悲時憂國之感。未嘗忘懷。嘗書座右聯云。擊楫江流。日讓時英。伸義概考槃山潤。聊偕野叟覓閒遊。退休後一年。卒于山家。壽六十八。公襟宇夷曠。以兩元登仕。而不肯以文章自名。平日詩文。非有故不作。然其

英邁之氣剛直之蘊。讀之猶可想見。清白善蔭所以貽後人者。蓋甚遠云。

吳時仕。字世祿。甫青威左青威人。前代累世業儒。公少得家庭機杼。尤劬于學。以文章有重名。選舉科預首選。深爲鄭祖眷注。累舉未第。家素貧而志不少挫。嘗有責貧鬼文略曰。清亭子窮居薪米日。迫兵曹承乏。亦復清官。遂呼貧鬼而責之曰。爾與予一面相識。非親故也。予故中家產奢儉耗乏。田園賺盡。而爾招來吾門。自爾之來。行止動靜與我俱。奔走周旋。惟爾使。少游春裘爲汝典也。石郎貸帖爲汝投也。爲汝干貸。爾閉人門爲汝逋懸。爾忙人約。蓬橫不完。爾曰。未可補賓祭不腆。爾曰。未可豐。凡爾所請。邀予曲從。一有營爲舉動。爾輒參商牴牾之使。予五斗折腰。一錢轉手。年豐歲煖。不能忘情。則爾之爲也。爾胡爲乎來哉。今夫太虛莽沆。天地瀰漫。一丘一壑。宜爾者也。一瓶一鉢。愛爾者也。而爾胡不高山之巔。大海之流。以與無何有者游息。顧逐逐然有求於予耶。貧鬼前答曰。先生誤矣。請詳其姓字。我固有窮國君之後。自號屢空主人。世以清儉名其家。三代而下。名臣賢相。有所立於天下。皆經予點化。然後能成就其性。增益其智慮。以建非常之業。立非常之功。伊尹之鼎俎。太公之鼓刀。甯子之飯牛。蘇季子之黑貂裘。皆赫赫然前日事。然則十畝負郭。只做田翁。一介布衣。總成賢輔。貧亦何負於人哉。故王播表我於紗籠。蒙正旌我於瓜亭。希文志我於紙帳。不忘舊也。大抵天將降大任于斯人。必使之困心衡慮。拂亂其所爲。以增益其所不能。我聞之一冬一春。何屈不伸。一亨一屯。無往不復。子三世讀書。有施未食。又在子之所當勉。我是以委曲訓誨。如金受鍛。如竹受揉。使世味日諳。智慮日長。以有可久可大之功。今動輒沮撓。驕氣除矣。慮皆憂勤。放心下矣。不驕不放。可以成德。德業既進。功名自成。凡子所需。皆書中有。貧亦不能久屈子矣。癸未年准頒進朝官

卷十一 人物誌

德業之儒 義中興

五四

工科給事中太原督同。年四十一登景興丙戌科正進士。會試自三場至庭對並第一。錦旋日奉賜兵象錢行及御制詩章寵賜優異。丁亥自太原赴闕准遷署清華憲察使。至郡後公務之暇輒遊衍泉石尋幽訪古嘗於盤阿山創觀瀾巢品題江山位置岩壑有記文刻石覽者羨之尋轉又安參政辛卯年典考爲驩人所訟革職罷回既得譴杜門著書以史籍自娛甲午靖王南巡頗燭其冤遂有意擢用乙未起爲翰林校理兼國子校正。公謝啓有云大德曰生繼雷霆而爲雨露小人易悅驚鞭樸而喜旂常又云賞罰操在上之權斷而已矣。侯撻廣並生之德格則庸之遂令棄物於溝中復玷清班之末席臣謹當濯心自矢聞命滋共生成之德不可階奉九祝效旅庭之包篚陶鑄此身惟所命佩一忠爲家世之韋弦尋擢署僉都御史公條陳四事一請申定課法二請加飭訟例三請追崇先儒四請釐正文體又條陳兵民事啓王皆嘉納逾月命出鎮諒山時諒境饑荒七州之民多轉徙餓殍公至隨方拯救招流民墾荒田親督耕爲藩民勸秋成而穀大熟盜賊消息境內無事巡訪之暇因復徜徉岩溪尋幽搜險無處不到於鎮城溝江之北創二青峒景致奇特公餘輒放舟臨峒登石架以吟酌興趣洒落在鎮三年卒于官壽五十五公學問淵博文章雄偉儒宗光耀爲南州大家雖弗獲大用而書澤垂裕後世憑藉之廢蓋未艾也所著文書甚多號午峯集行于世。外孫潘注

按古今文儒名不勝載但凡讀書登第而德望文章殊無顯然可考者今皆不書特撮其卓卓者前後得數十公蓋或以道德稱或氣節著或長於著述或擅於文章雖所入固不同而俱以所有鳴世總之不負於儒名者茲故詳錄其狀云